



**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. I. cap. 5. & seqq. de Notione Fidei justificantis, ejusdemque objecto

[urn:nbn:de:hbz:466:1-72506](#)

Controversiæ Principalis Secundæ
DE
JVSTIFICATIONE ET BONIS
OPERIBUS IN GENERE,
LIBRI PRIMI
CAPVT QVINTUM & seqq.

DE

Notione Fidei justificantis, ejusdemque objecto.



vid. Meisn.
Phil. S.
part. II.
Qv. 27. &
28.

Phil. 3.

lib. III, ad tione factam. Hinc Augustinus inquit, *Mirum modo, sed tamen vero justitiam Legi non*

Bon. c. 7. implet Justitia, que in Lege est, sed que in Spiritu Gratiae. Addit Bellarminus, idem enim

significant Justitia ex Lege, & Justitia in Lege. Interna igitur Justitia, ita Bellarminus

pergit, sedem habet in corde; nam Justitia Legis est in libris, Justitia operum est in

manibus, Justitia Fidei sive DEI est in animo, id est, in voluntate, quæ cordis nomine

in Scripturis solet adpellari, & ideo in Scripturis justi dicuntur recti corde. De hac

de Civ. D. loquitur Augustinus, *Hic in unoquoq; Justitia est, ut homini obediens Deus, animus cor-*

1.19 c. 27. porti, Ratio autem vitiis etiam repugnantibus imperet vel subigendo, vel resistendo.

Est autem hæc Justitia duplex, ita porro scribit Bellarminus, habitualis & actualis,

Conc. 26. *quod aperte docet Augustinus, illud tractans, Facit Iudicium & Justitiam, ubi monet,*

in Ps. 118. Psalmum loqui de Justitia actuali, id est, de opere Justitiae, quod faciunt, qui justi sunt,

vel 119. non de ipsa Virtute, quam Deus in nobis facit, cum justificat impium. His ita præmissis,

post explicationem causarum Justificationis, formato etiam Statu Quæstionis de Fi-

de justifica, ipsam adgreditur Controversiam de ejus objecto, probate conatus,

eam non esse fiduciam Misericordiae, sed solum ad sensum firmum ac certum adea omnia, quæ

Deus proponit credenda, provocans audacter ad ipsam Fidei definitionem, quam ex-

c. II. hibuit Apostolus in Epistolâ ad Ebræos, quod nimur sit Substantiarerum speran-

rum, & argumentum non adparentium. Et quia in Textu Græco vocatur σπεραντιον, σπερινον, monet Bellarminus, ambiguum hoc esse, & verti posse, tūm hominum spe-

rantum, tūm rerum speratarum sive sperandarum; addens, Augustinum fere ubi-

cunque hunc citat locum, legere sperantium, & juxta hanc Lectionem fore Sensum,

Fidem esse Substantiam sperantium, id est, quasi vitam & animam, quæ justum hominem

sustenter, qui terram despiciens speret ac expectet eterna. Ubi autem hoc aliis scri-

pturæ testimonii per diversas sex classes confirmare studuit, subjunxit; Hæc omnia

demon-

demonstrant aperte, *Fidem esse in intellectu*, ac per hoc ad eam nullo modo pertinere Fiduciam, que est in Voluntate; quibus addere possumus testimonium Augustini, ubi dicit, *credere nihil esse aliud, nisi cum ad sensu cogitare*, ita ut cogitatio sit quasi genus, ^{de Pred.}
^{Sanct.}
^{cap. 2.} ad sensum quasi differentia. Nam, ut Ipse ibidem docet, *multi cogitant, qui non credunt*, *imò etiam aliquando cogitant, ut non credant, sed nullus credit, qui non cogitet*, quo loco Augustinus manifestè nostram confirmat Sententiam, inquit Bellarminus. Verum hoc non contentus, peculiari capite id etiam demonstrare studet, *Fidem justificam non iam esse Notitiam, quam Ad sensum*, præmissis iterum Scripturæ dictis, Augustini quoq; adhibuita autoritate, è cuius Scriptis sequentia deponit testimonia. Primum ex Epistola post centesimam secundam, ubi ita scriptit Doctor Sanctus: *Si propter eos solos Christus natus est, qui certa intelligentia possunt ista discernere, penè frustra laboramus in Ecclesia.* Bellarminus hanc addit glossam, Et sane ita esse, restatur Experientia, cùm maxima pars fidelium vel propter ætatem puerilem, vel propter sexum muliebrem, vel propter ingenii hebetudinem, vel propter imperitiam literarum & scientiarum, quales sunt penè omnes rustici, non solum non intelligent Mysteria Trinitatis & Incarnationis, & similia ad Salutem necessaria, sed vix quidquam animo concipient præter verborum sonum, & tamen inter fideles merito numerantur, cùm fatentur le credere, DEUM esse Patrem & Filium & Spiritum Sanctum, juxta sensum Ecclesiae. Secundum Augustini testimoniorum ex libro contra Epistolam Fundamenti hoc est: *Turbam non intelligendi vivitas, sed credendi simplicitas facit tutissimam.* Tertium ex Commentario in Johannem duplex est, dum priori scribit, *Intelligentiam Mysteriorum esse premium Fidei;* ^{Tract. 27.}
^{& 40.} Posterior autem monet: *Non quia cognoverunt, crediderunt, sed ut cognoscerent, crediderunt.* *Quid enim est Fides, nisi credere, quod non vides?* Quartum tandem est ex Sermonibus de Tempore: *Considera, quod voceris fidelis, non rationalis.* Denique accepto Baptismo hoc dicimus, *fidelis sum factus, credo, quod nescio.* Post hæc observat porro Bellarminus, *Judicium sive ad sensum esse duplicem, alterum enim sequi rationem & evidentiam rei, alterum vero authoritatem proponentis; priorem dici Notitiam, si propriè loqui velimus, posteriorem dici Fidem, Augustino ita scribente: Quod intel-*
ligimus aliquid, ratione debemus; quod autem credimus, auctoritate. Igitur quod addit ^{de util.}
^{cred.} Bellarminus, Mysteria Fidei, quæ rationem superant, credimus, non intelligimus, ac cap. 11.
per hoc Fides distinguitur contra scientiam, & melius per ignorantiam, quam per notitiam definitur. Hoc jam, uti putat, obtento regreditur Bellarminus ad priorem de objecto Fidei Controversiam, porro demonstratus ex Sacris Literis, id non esse specialem DEI Misericordiam, sed omnia que Deus revelare dignatus est, in primam aciem locata Fidei Confessione, quam Petrus edidit de Christo, à Patribus insigniter commendatam, & in primis ab Augustino, nihil tamen aliud exhibentem quam Christi Divinitatem. Præterea provocat ad Symbolum illud antiquissimum, quod Apostolicum dicitur, propterea quod Apostoli ipsum considerint, ut inter omnes constaret, quænam esset totius Fidei Christianæ summa, Augustino iterum in testimonium adducto, cuius auctoritate id etiam probare conatur, contineri hoc Symbolo, quamvis breviter & in Summâ totum Fidei objectum, ut potè qui illud his definiverit verbis, de Temp. quod sit Comprehensio Fidei nostra & simplex, brevis, plena, ut simplicitas consular audientium rusticitati, brevitatis memoria, plenitudo Doctrina; Et quod sit breviter complexa Fidei ^{in Epist. Joh.} ^{Serm. 181.} ^{Serm. 115.}
regula, ut Mente instruat, nec oneret memoriam. Adducit insuper loca Patrum, per Fidem justificam intelligentiam eam, quæ dicitur Catholica, quæque totum respicit Symbolum, interque eos Augustini etiam, ex libro de Fide & Symbolo, Commentario in Genesim imperfecto, & Enchiridio ad Laurentium, unde præsertim ostendit, *Deum Fide, Spe & Charitate coli; Item, Mentem imbuī debere Fide; ut bene vivendo c. 2. 5. & 7.* tendat ad speciem; Iterum, *Salutem his tribus adquiri, Fide, Spe & Charitate*, hac additâ argumentatione: *Quicunque in vocaverit Nomen Domini, salvus erit. Sed non potest invocari Nomen Domini, nisi credatur prius.* Ideò Fides credit, Spes & Charitas orant. Ex quibus locis manifestè colligimus, scribit Bellarminus, Eum loqui de Fide justificante & salvante, de quæ mox in sequentibus docet, *eam distingui a spe, ac per hoc etiam à Fiducia*, non solum nomine, sed objecto etiam, unde ratio propria lumenit ac Essentia virtutum. Verba hæc sunt: *Est Fides & rerum malarum & bonarum, quia & bona creduntur & mala, & hoc fide bona, non mala.* *Est etiam fides & rerum præteriorum & presentium & futurarum; credimus enim mortuum esse Christum, quod jam præter-*

praterius, credimus Eum sedere ad dextram Patris, quod nunc est, credimus venturum ad
 judicandum, quod futurum est. Item fides est verum suarum & alienarum. Nam & se-
 quisque credit aliquando capisci, nec fuisse utique sempiternum, & alia atque alia; nec so-
 lum de aliis hominibus multa, que pertinent ad Religionem, verum etiam de Angelis credi-
 mus. Spes autem non nisi Rerum bonarum est, nec nisi futurarum, & pertinentium ad
 eum, qui earum spem gerere perhibetur. Quae cum ita sint, propter has causas distinguenda
 erit Fides à Spe, sicut vocabulo, ita & rationabili differentia. Huic addit Bellarminus
 sequens Augustini ex Opere contra duas Pelagianorum Epistolas testimonium:
lib. III. cap. 5. *Nostra Fides, hoc est, Catholica Fides iustos ab injustis non operum, sed ipsa Fidei lege discernit;*
quia iustus ex Fide vivit. Ubi Augustinus loquitur de Fide iustificâ, quæ discernit iu-
 stum ab injusto, & dicit, eam Fidem esse Catholicam, id est, Fidem dogmaticam, Ecclæ-
 siæ toti communem, non illam specialem, quæ illius tantum est, qui credit vel confidit,
 Remissa sibi esse peccata. Et paulò infra dicit Augustinus, *hanc Fidem esse fidem remi-*
tiæ, quæ heresi opponitur, & ratione cuius melior est *Mulier Catholica bis nupta, quam*
Virgo heretica. Ubi sine dubio, quæ iterum Bellarmini glossa est, per Fidem iustificam
 intelligit Fidem, quæ creduntur Articuli & omnia dogmata, sine ullâ permixtione
 perfidiae. Verum & rationibus id ipsum studet evincere Bellarminus ac specialem
 explodere Fidem, inter quas secundam & quartam Augustini iterum autoritate susti-
 munitam. *Secunda* sic sonat, Fides iustificans præcedere debet Justificationem, Fides
 autem specialis Misericordia sequitur Justificationem, igitur Fides specialis Misericor-
 dia non est Fides iustificans. Propositio hujus argumenti est certissima, nam Fi-
 des est causa Justificationis, causam enim significant illæ Propositiones, Ex & Per, cum
 dicitur, *Iustificati ex Fide, & qui iustificat Circumcisio nem ex fide, &c., Preputium per Fidem.*
Rom. 5. & 3. Omnis autem causa prior est effectu. Quocirca Augustinus in libro de Spiritu & lite-
 râ, hunc ordinem statuit inter actus Justificationis, ut primo loco sit lex, per quam est
 cognitio peccati, secundo Fides, quæ impetrat Gratiam contra peccatum, tertio Gratia,
 quæ iustificat à peccato. Et in Epistolâ post centesimam sexta & alibi sèpè reperit,
 per Fidem impetrari Remissionem peccatorum, ac per hoc Fidem esse priorem Justifica-
 tionem. *Quartam* rationem scribit Bellarminus propriè eos refellere, qui volunt Fidem
 iustificantem esse fiduciam Benevolentie specialis. Nam tamen fiducia obtinende
 venia, qualis esse debet in homine Pœnitentiam agente, præcedat Justificationem, fidu-
 cia tamen, quæ quis confidit, remissa sibi esse peccata, seque Deo gratum esse &
 hæredem regni, de quæ loquuntur adversarii, à bonâ pender Conscientia & perle-
 verantia in dilectione DEI & operibus bonis, ac proinde præexistit Justificationem,
 non illam efficit, ac per hoc nou est Fides iustificans, sed aliquid eâ posterius. Hoc
 ubi quibusdam Scripturæ dictis ex utroque Testamento confirmatum ivit Bellarminus,
 sequentia duo etiam ex Augustino subjunxit testimonia, *Prius ex libro de Agone*
Christiano, Fides est prima, que subjugat animam DEO, deinde præcepta vivendi, quibus
custoditis spes nostra firmatur. Posterior ex Commentario in Johannem, ubi docet,
Fiduciam procedere ex charitate.

Hactenus de objecto Fidei ex Augustino Bellarminus, varias inter se miscens
 Quæstiones & Controversias, videlicet, an Fides sit Notitia, rectius, an Notitia sit
 pars aliqua Fidei, adque Fidem salvificam requiratur; Item, an illa sit Fiducia, rectius
 iterum, an præcipua pars Fidei, quatenus in ipsa Justificatione adtenditur, sit ipsa Mi-
 sericordia DEI Patris & Redencionis Christi Fiducia, vel potius Fiducia in Mi-
 sericordiam DEI Patris & Redencionem Christi; ut &c., an tantum in Intellectu, num
 verò etiam in Voluntate hominis locum habeat, & quæ alia hinc indè inspurguntur,
 de quibus singulariter agere debuisset Bellarminus, nisi hæc mixtrâ voluisset iterum
 in turbido pescari, ac ubique Lectorem in ambiguo relinquere, præsertim Stau Contro-
 versia pro more solito nunquam ritè formato, undè factum, ut in plerisque fer-
 ret aerem, atque cum larvis, non plane nunquam se etiam ipso pugnaret, & sibi infaci-
 em contradiceret, ea hic refutans, quæ ibi ipsemet sui oblitus parumque memor ad-
 feruerat. Nostrarum hic quoque partium erit, Augustini testimonia vindicare eo
 ordine, quô prolata sunt à Bellarmino, ne quidquam videatur prætermisum, eâ
 semper cum observatione, ut non negligatur, ubi non ad scopum, quam debebat
 tela dixit Bellarminus. Initium fieri autem à significatu vocabuli *Iustitiae*, quem ex

Paulo & Augustino huic de Justificatione peccatoris Controversia quasi loco fundamenti substratum voluit Bellarminus, utrique grandem inferens injuriam & alienam adsingens mentem. Et Paulo quidem, de cuius Sententia *Ephesus*, etsi contra nos disputans, & gravissimos errores nobis adscribens, contra Bellarminum monuit, *Iustitiam ex Fide Christi*, quam Apostolus *Justitiae ex Lege* opponit, intelligendam esse *de Iustitia per Fidem, quia in Christum creditur*, utpote quæ sola sit vera *Justitia*, & dicatur ex Fide, quæ in Christum creditur, *tum quia per hanc Fidem cognoscitur*, eam non aliundè, quam ex Merito Passionis Christi posse haberi; *tum quia Fides illam impetrat*, imò & initium ejus est, (NB. non de Fide, sed ipsa *Justitia* hoc intelligi debet, alias prima non responderent secundis,) adeò ut & ipsa non nisi per Christum habeatur. Verum & Augustino, utpote ad cuius autoritatem in hac Explicatione provocat *Ephesus*, ea citans loca, quæ statim Bellarminianæ perversioñi opponentur, ubi vel tribus ostensum erit verbis, Augustinum ibi, ubi Bellarminus Eum sibi faventia scriptisse putavit, in Opere videlicet *contra duas Pelagianorum Epistolas ad Bonifacium*, occasione verborum Pauli, quæ prolixissimè tractavit, *Justitiam*, quæ est *in Spiritu Gratiae*, oppositam *Justitiae* in vel ex *Lege*, non intellexisse eam, quæ in ipso *Justificationis* actu adtenditur, verum quæ ipsam *Justificationem* sequitur, tanquam effetus, de quæ & quæcunque ad eam pertinent, exprelse scripsit: *Hæc omnia nondum plena & perfecta erant in Apostolo, sed tanquam in via positus ad eorum plenitudinem perfectionemque currebat.* Idem insinuat magis perspicue in Sermone post decimum quinto de Verbis Apostoli, commendans ex Ejus mente *Justitiam, que est per Fidem Christi, que impetrat à Deo, quæ est ex Deo, Iustitiam in Fide ad cognoscendum Eum & viriūtem Resurrectionis Ejus*, quam videlicet Paulus in proxime sequentibus nominaverat. Iterum in Epistolâ post centesimam sextâ, agens de *Justitia ex DEO*, querit, *Quæ ex Deo est Iustitia in Fide?* Et respondet, *uixit, quæ credimus, nobis Iustitiam Divinitus dari, non à nobis, in nobis, nostra viribus fieri.* Sed fatis hæc clara sunt, nec indigent uberiori demonstratione. Quod vero Bellarminus porrò hanc *Justitiam*, quam in prælenti Controversia vult adtendi, vocat *internam*, sedem in voluntate hominis habentem, ob quam justi dicuntur recti corde, Augustinum ex Opere de *Civitate Dei* citans testem, iterum à scopo aberrat, quia Pater Sanctus ibi, ut in testimonio proximè vindicato, non agit de *Justitia*, quæ in ipsa *Justificatione* locum haberet, sed quæ in fidelibus jam iustificatis est, utpote de quæ in sequentibus moneret, quod Bellarminus omittit non debuit, *ut ab ipso petatur Deo & meritorum gratia, & venia delictorum, ac de Bonis acceptis gratiarum actio persolvatur.* Post ubi duplice statuit *Justitiam* Bellarminus, habitualē & actualē, ac de hâc, non verò illa loqui Psaltem Regium ex mente Augustini docet, ad præsentem quoque Controversiam non pertinet, cùm neque hæc, neque illa in actu *Justificationis*, per quem homo peccator coram Deo fit justus, adtendatur, ipseque Augustinus hoc fatis manifestè indicat, cùm ibidem, ubi Bellarminus suæ distinctionis fundamentum se invenisse putavit, exprelse scripsit: *Qui fecit in homine Iustitiam, nisi qui iustificat impium, hoc est, per Gratiam suam ex impi facit justum? Facit ergo Iustitiam, id est, opus Iustitiae qui habet in se Iustitiam, id est, opus Gratiae.* Atque sic ostensum, aliter uti vocabulo *Justitiae* Augustinum, ubi loquitur de homine jam *justificato*, aliter vero, ubi eum considerat in actu *Justificationis* constitutum; quam diversitatem quia neglexit observare Bellarminus, mirum non est, quod hic etiam perpetuo vertiginis spiritu circumactus scopum minimè adtigerit.

Nunc vindicias requirit Definitio Fidei Apostolica, quæ dicitur ὑπόστατις ἡλπίζομεν, id est, Substantia vel substantia rerum sperandarum, vel prout Bellarminus ex Augustino vertit, *sperantum*, ita ut subiectum, non objectum Fidei à Paulo videatur hic in *Ebr. 11:8* finiuatum. Eas suppeditat laudatus modò *Ephesus*, Interpres apud suos maximi æstimatus, qui hujus Versionis authorem non facit Augustinum, sed Eum ita in *Veteri quādam Translatione* legisse monet, addens, hunc Interpretē, qui reddidit, *sperantum*, ut sibi constaret, etiam alterius membris participium *actiōnē* reddere debuisse, videlicet, ut Fides diceretur ἡλπίς οὐ βλέπομεν, id est, argumentum seu convictio *non vidētiū*, cùm & illud sit in Græco *medium*, quod tamen nec fecerit, nec sine absurditate facere potuerit; rectius igitur esse, ut utrumque capiatur *passiōnē*, quod Sensum habeat

Tomi IV. Controversia III.

1128

beat manifestum & Apostoli scopo aptissimum. Neque hoc sufficit ad vindicandum Augustini autoritatem, sed illud etiam insuper notandum, quod evolutio plerorumque locorum, ubi hoc Apostoli testimonio usus legitur Augustinus, ostendit, Eum minimè Mentem suam huic Versioni addixisse, sed potius ad ipsum verborum Sensum respexit. Inde in Enchiridio ad Laurentium, ubi hāc ipsā de te agit, notanter scribit: *Quod attinet ad non videre, sive que creduntur, sive que sperantur, Fidei speque commune est.* Sic in opere de peccatorum meritis & remissione, postquam non solum hanc Fidei definitionem exhibuit, sed propositi etiam ab Apostolo fidelium catalogi meminit, notanter hanc observationem addidit: *Hæc laus Fidei non esset, nec omnia Fides esset, si homines in credendo præmia sequerentur visibilia, hoc est, si fidelibus merces Immortalitatis redderetur in hoc Seculo.* Alia nunc prætermitto loca, ubi eadem fere leguntur, unde potest constare, Augustinum non subjectivè, sed objective hanc etiam Definitionis partem intellexisse.

Sequitur in eadem tractatione Quæstio, *num Fides justifica sit in Intellectu, ac Voluntate?* In cuius discussione, ut non dicam, Bellarminum sibimet ipsi contradixisse vel scripsisse, quod Gerhardus noster in *Confessione Catholica* docuit ad oculum, certè ubi ad suas partes in excludendâ Fide ab actu Voluntatis Augustinum trahere laboravit, videtur omnino nescivisse, quid agat, dum & verba, quæ ex eodem adduxit, & quæ uberioris in loco leguntur, tam sunt clara, ut clariora esse non potuerint ad demonstrandum, *Fidem pertinere ad Voluntatem.* Ego hic ea adscribo, que procedunt testimonium ex libro de Prædestinatione Sanctorum à Bellarmino laudatum: *Quis non videat, prius esse cogitare, quam credere, nullus quippe credit aliquid, nisi prius cogitaverit, esse credendum: Quamvis enim raptim, quamvis celerrime credendi Voluntatem quadam cogitationes antevolent, moxque illa (nimurum, credendi Voluntas,) sequatur ita, ut quasi conjunctissima comitetur; neceſſe est tamen, ut omnia, que creduntur, prevente credantur cogitatione.* Et quid quælo est, cum ad sensu cogitare, dum Bellarminus dicit, in Fidei definitione Augustinianâ, quam proponit, cogitationem esse quasi genus, *ad sensum quasi differentiam,* quæ ut plurimum occupat locum causæ formalis in definitionibus rerum, quam id voluntariò amplecti, quod intellectui fuit propositum & commendatum, tanquam res bona & omni modo acceptabilis? Hoc qui non capit, neque vult capere, ostendit, se omni sano carere intellectu, privatumque esse omni Voluntatis propria nutu, ac instar brutus nisi ea intelligere & velle, quam quæ alios intelligere & velle vider vel audit; quod annon pertineat ad *Fidem Carbonarium*, id est, nullam omnino, ubi neque Notitia rerum à DEO revelatarum, neque ad sensum, nisi omnino cœcus & irrationalis locum habet, videant, qui ejus defensionem in se fuscipere vi hypothetum receptarum tenentur.

Ordo Bellarminianus nunc eam sistit Controversiam, quæ uti è prioris decisio-
ne dependet, ita mirum videtur non immerito, qui potuerit Bellarminus intra linea-
tam paucas sibimet ipsi tam aperiè contradicere & scribere. Quamvis enim Fidei
sedem non in Voluntate, sed Intellectu statuerit, vix tamen hoc etiam à le impera-
bit Ejus defensor, qui ad animum revocabit, quod in hac Quæstione defendit,
Fidem non tam esse Notitiam, quam potius Ad sensum. Ad quem namque mo-
dum est ostensum, non posse dici ad sensum, si Voluntas nihil planè habeat negotii
cum eâ; ita non caret absurditate, ei denegare Notitiam, cuius Subiectum est Intel-
lectus, atque ad eundem refertur. Taceo multas contradictiones alias, quas utro-
bique hic & ibi occurrentes aliud dum collegerunt ex Bellarmino. Ut vero ad Au-
gustinum nunc respiciamus, quem iisdem absurditatibus obnoxium præter meri-
tum Lectori exhibuit, ostendendum est, injuriam fieri Doctori gravissimo & accu-
ratiissimo, nec aliunde hunc quoque errorem ortum esse, quam vel ex non intel-
lecto, vel studiosè depravato Controversia statu. Dum enim Evangelici ad Fi-
dem justificam & salvificam, præterum in adultioribus & extatim habentibus matu-
riorem, requirunt Notitiam, non intelligunt quidem perfectam omni ex parte,
quam neque Apostolus sibi omnibusque in universum fidelibus adscribere aulus est,
neque accuratam rerum Theologicarum peritiam, quæ publici in Ecclesia Doctores
præ cæteris jure debent esse instructi, adeoque ad alios docendum & informandum
idonei

idonei; sed tamen aliquam illius objecti cognitionem, per quod Justitia & Salus generi humano est restituta, quatenus illud in Verbo per oracula Prophetico-Apostolica, eaque magis manifesta & perspicua est revelatum. Quo enim alias modo dicetur Fides adhuc præbere rei alicui omnino incognitæ, quæque Intellectui non aliquæ ratione sit proposita? Dumque statuant Philosophi, *nihil esse in Intellectu, quod non prius fuerit in Sensu*, de cuius Canonis usu & abusu, alias agitur; hic certè pari modo vid. *Kesl.*
dici potest, nihil esse in ad sensu, qui Voluntatem præsupponit, ut ostensum est, phys. So-
cin. p. 181.
quod non prius fuerit notificatum atque Intellectui commendatum, uti patet. Hoc & seqq.
jam præcognito, noster est omnino Augustinus, et si plerisque fidelibus in Ecclesia
certam denegat intelligentiam, non tamen omnimodam; quod uti de sui temporis
hominibus scriptis, ita optandum esset, non etiam de Christianis hujus Seculi id posse & debere scribi, verum & simul laborandum enixissimè, ut Luce Verbi posterioribus hisce temporibus, post plura Ignorantiae crassioris & tenebratum quasi Ægyptiacarum Secula illustiores radios per singularem DEI gratiam emitente, Simpliciores etiam in cognitione DEI & mediorum Salutis ab Eo propositorum per fidem Doctorum informationem crescant, àque cœcā Fide magis magisque liberentur. De cætero, Augustinum non omnem, ut dixi, fidelibus sui temporis denegare Notitiam, nec eos omnino facere ignorantes, ea docent verba, quæ præmisit illis, quibus Bellarmino visum est uti: Adduxit nimurūm verba Pauli, sribentis, placuisse DEO per suavitatem predicationis salvos facere credentes, adque ea observavit sequentia: 1. Cor. 12.
Hec suavitas predicationis ac suavitatis DEI, quæ sapientior est hominibus, multos contrahit ad salutem, ut non solum, qui nondum certa valent intelligentia confidere naturam DEI, quam Fide tenent, verum etiam, qui nondum in ipsa Animæ suâ ita Substantiam incorpoream à corporis generalitate discernunt, quemadmodum certi sunt se vivere, nosce, velle, id est sint alieni à Salute, quam illa predicationis suavitatis fidelibus confert. Distinguunt nimurūm inter cognitionem rerum naturalium Philosophicam & inter intelligentiam Mysteriorum Fidei, ut illi etiam accuratiores earundem Scrutatores omnimodam certitudinem post plurimos sudores denegare cogantur. Glossa, quam Bellarminus ad texuit de atate puerili, Sexu muliebri, Ingenii hebetudine, literarum quoque & Scientiarum imperitia, opus non fuisset, si ex parte Doctorum major esset ovium, quam Lanæ, ex parte auditorum vero potion Cœli, quam Seculi cura, ac utroque id debitâ ageretur Sollicitudine, quod officii & Muneris à DEO impositi ratio requirit. Eadem distinctio observata fuit à Patre Sancto, ubi commendavit credendi simplicitatem, tanquam fidelibus turissimam, videlicet oppositam intelligenti vivacitati, quam in præcedentibus sincerissimam vocavit Sapientiam, addens, paucos spiritalis in hoc'vitâ ad eam pervenire. Sed neque Evangelici damnant Fidei simplicitatem, at implicitatem, ignorantium, stuporem, & qua alia comitari solent Fidem carbonariam opere tanto commendatam, cœcam, surdam, mutam, immo mortuam, in negotio Justificationis coram Deo & eterna Salutis per Christi Meritum impetrandæ locum habere negant, ob ordinem Divinitus præscriptum, quem mutare, in nullius hominis est arbitrio. Quod præterea intelligentiam Mysteriorum Augustinus dixit esse premium Fidei, et si ipsam verba non legantur ibi, ubi ea extare monuit Bellarminus, non obstat requisite ab Evangelicis ad Fidem notitiae, cum loquatur eo in loco Pater Sanctus de Incremento cognitionis. Ita, quod infuper scribit, Fidem nihil esse, nisi credere, quod non videtur, bene se habet. Verum si scripsisset, Fidem esse nihil, nisi credere, quod non cognoscitur, tunc de aliquo solliciti esse cogeremur responso, ac videre, quo Sensu id scripsisset Augustinus. Atquidum aliud est videre, aliud cognoscere, si propriè velimus loqui, nec causa sit, cur Doctorem augustum per videre credamus intellexisse ipsum cognoscere, illatio Bellarmini nulla est. Sic quod alibi scripsit, Christianum vocari fidem, non rationalem, verè scripsit, & subscribunt Evangelici manu menteque constantissimâ, non nescii, Fidem Christiani autoritate revelantis DEI; non ratione nisi humana. Quid vero hoc iterum contra Notitiam, quæ omnino requiritur, et si ratione non duce, sed pedissequâ & comite? Denique quod fidelis post Baptismum eodem Augustino ibidem teste dicit, Credo, quod nescio, si observetur, quâ occasione id scripsiter Augustinus, nihil contra Evangelicorum Sententiam scripsisse Eum constabit aperissime. Nimurūm scripsit vel potius dixit

Cccc

hæc

hæc verba in Festo Sanctæ Trinitatis, agens contra eos, qui Mysterium Sanctæ Trinitatis periculosum, ut vocat, disputatione tractabant, inquiens, *Lutum & Vas signum de Creatore disputat, & ad sua Naturæ rationem non potest pervenire; & curiose querit scire de Mysterio Trinitatis, quod Angeli in Cœlo scire non possunt.* Et post aliqua: *Dicamus ergo simpliciter, Vis scire Naturam DEI, hoc scito, quod nescias; neque in hoc contristeris, quia nescias, quia & Angeli nesciunt.* Sed dicit aliquis, pergit Augustinus, *Quomodo ergo credo, quod nescio? Quomodo sum Christianus, qui nescio, quomodo sim Christianus?* Inter alia autem, quæ respondit Augustinus, hæc etiam sunt, quæ Bellarmine in rem, ut falsò putavit, suam adduxit, plura subiungens, quibus mentem apertius significavit, hæc in primis: *Nonne meum est, piè Ignorantiam confiteri, quam temere mibi Scientiam (Nota bene, non scripsit vel dixit, cognitionem,) vendicare? In die Iudicii non damnor, quia dicam, nescivi naturam Creatoris mei.* Perpende hæc Lector & judica, an, quæ Sanctus Doctor contra curiosam Mysterii Angelis etiam absconditi tractationem & periculosam de eo disputationem monuit, piam præferens Ignorantiam, pertineant ad præfens Institutum, ubi Fidem requirere docetur *notitiam* eorum, quæ DEUS ipsem nos scire voluit, & in hunc ipsum finem nobis revelavit? Sed neque dum satis hoc fuit Bellarmino, quin adhuc lemel in subsidium vocari debuit Augustinus, ut *Ad sensum duplexum adstrueret, quem rectius duplice fundamento inniti* scripsisset, ex una videlicet parte rationi & evidentiæ rei, ex altera autem autoritatib[us] proponentis, ac ibi quidem dici Notitiam, propriè nimurum loquendo, hic vero Fidem, Augustino contestante, *Intellectum esse debitorem rationis, Fidem autoritatem.* Verum præterquam, quod Pater augustinus loco per Bellarmino citato in genere agit de discrimine inter *intelligere, credere & opinari*, primum dicens semper esse sine virtute, secundum aliquando cum virtute, tertium vero nunquam sine virtute, quod per partes, ut debet, satis explicat perspicue, de secundo præsertim notans, *quod credere tunc sit culpandum, cum vel de DEO indignum aliquid creditur, vel de homine creditur facile;* etiam si in specie de Fide salvifica scipisset, eam scientię, quam per Verbum intelligere hic voluit intellectam, certo quodam modo, & quidem ratione fundamenti oppositam nisi autoritate, nihil docuisse, quod non Evangelici ambabus, quod ajunt, manibus possent amplecti, ac pedibus ire in Doctoris Sancti verissimam ex omni parte Sententiam, Evangelicorum menti ex aſſe consentaneum. Nam si id, quod *credimus, autoritati debemus,* & quidem non hominis, sed DEI, Regis summi, non Tyrannici, qualis Rex Nebucadnezar olim non sine causâ vilus est, Somnii sibimet ipsi tunc per oblivionem Apocryphi & incogniti Apocalypsin & revelationem à Magis rigorose conatus extorquere; sed Benevolentissimi, & Voluntatis suæ de æternâ Salute nostrâ rationes & media sufficienter revelantis, certè nulla hic ignorantia locum habere potest, sed adcedat eorum cognitio oportet, quæ nos scire voluit liberos Pater optimus, exarata in Literis Testamenti utriusque, quæ tabulas promissæ hereditatis nostræ continent. Et quamvis hæc magis propriè, quam supra voluit Bellarminus, loquendo non sciamus ex ullâ ratione, quæ nostro Intellectui le silit extra hos Divinæ Revelationis terminos considerato, & suæ post Lapsum naturæ per peccatum insigniter corruptæ reliquo, credimus tamen autoritati Revelantis, sed non sine omni *notitia* ejus, & qui revelavit, & quod revealatum est, quam utramque post hanc Vitam speramus perfectiorem & in suo genere perfectissimam.

Atque haec tenus ex Augustino Fidei pars prima est adserita, videlicet *Notitia*, quam qui nolunt cum Doctore sancto & Evangelicis ad normam ipsius Scripturae in Fide justifica & salvifica admittere, maneant *Agnata*, ut mollissimo utar vocabulo, & si duce iterum Scriptura loqui licet, Asina Bileami stupidiiores, quæ Sessorem suum agnoscit, magis bruti quam Boves & Asini, Nutritores suos & præsterni, in quibus cibum accipiunt, non ignorantes, immo Avibus ratione carientibus deteriores, quas tempus eundi & redeundi ex instinctu quodam naturali cognoscere DEUS ipse testatur, & nos anniversaria docet Experiencia. Nunc porro vindicanda venit tertia pars Fidei, eaque potior, & quidem ratione obiecta, quod

quod per singularem *Fiduciam* amplectitur, non quasi Fides in se spectata non omne id pro objecto habeat, quod DEUS in Verbo hominibus revelare dignatus est, uti hanc Sententiam Bellarminus Evangelicis adfricare conatur, præter omne fas & meritum; sed, quod ad præsentis Controversiæ statum prætrmiss pertinet, quia Fides in actu Justificationis confiderata ante omnia homini proponit DEI Patris Misericordiam, sicut erga omnes in universum homines generalem & Catholicam, omnibus etiam utrum diversimodè in Christi Mediatoris Catholici Merito demonstratam & oblatam, ita ei quoque ex fiduciali subsumptione & applicatione speciale & vere individuali. Quæstione jam sic formatâ facilis est reponsio ad ea ex Augustino objecta, quibus Evangelicorum Sententiam oppugnare conatus est Bellarminus. Nimurum quod adtinet Petrinam Fidei Confessionem, de Christo DEI Filio, ab Augustino commendatam, partim Matth. 16 ex Evangelistarum Recensione, partim ex Augustini collatione manifestum est, Petrum tunc minime in Foro Justificationis fusile constitutum, sed Confessionis, quam Christus à Discipulis tanquam Præceptor fidelissimus requisivit, ut constaret, quantum haec tenus in Scholâ Ejus profecerint. Præterea hoc ipsum est, quod Evangelici docent, Fidei justificantis & Fiducie objectum statuentes CHRISTUM, in quo & per quem uti DEUS Pater suam erga homines demonstravit Misericordiam, ita per Ejus Meriti imputationem gratiosam & gratuitam ipse Justificationis actus perficitur, ut suo mox loco uberior ex Augustino docetur; ut adeò Bellarminus hic suo se gladio instat Goliathi jugulandum præbuerit. Insuper id etiam non negligendum, quod Augustinus notanter circa hanc Fidei Confessionem observavit, ac observandum Bellarminus hanc suâ citatione voluit, quale illud sit Elogium, quo CHRISTUS hanc Fidei ex ore Petri, vel potius ex Revelatione Patris Confessionem exceptit. *Videte*, inquit Sanctus Pater, quæ laudes prosequuntur hanc Fidem? Tu es Petrus &c. *Quid est*, super hanc Petram &c. *Super hanc Fidem, super id, quod dictum est*, Tu es Filius &c. *Magna laus!* Mitum omnino, ausum fusile Bellarminum Evangelicos ad hoc Augustini testimoniorum ablegare, per quod præcipuum totius Papilii fundamentum concutitur, & si rem totam justâ libremus lance, omnino evertitur, nisi quod forsitan dubitavit, Evangelicos ita fore curiosos, ut Augustini verba in loco à se citato evolant, alias vix iterum arma eisdem contra se usurpanda traditurus. Verum neque hoc sufficit, ea enim sequuntur porrò apud Augustinum, quæ Evangelicorum Sententiam magis firmant, Romanensem vero ignorantiam & cœcum Fidem omnino jugulant & confodiunt. Ita autem pergit ibi Doctor augustissimus: *Ergo dicit Petrus, Tu es CHRISTUS &c.* *Dicunt & Demones, Scimus, qui sis, Tu es Filius DEI, Sanctus DEI.* *Hoc Petrus, hoc & Demones; eadem verba, non idem animus.* Addit post aliqua: *Aliud est ergo confiteri CHRISTVM, ut teneas CHRISTVM; aliud confiteri CHRISTVM, ut repellas à te CHRISTVM.* Plura ibi leguntur hue pertinentia, quæ docent, non sufficere externam oris confessionem, sed aliquid amplius requiri ad veram Fidem, ut DEO sit grata, ac Ejus impetrat Gratiam.

Nunc ad alteram contra Objectum Fidei objectionem Bellarminianam ut devemus, Symbolum videlicet, quod communiter audit *Apostolicum*, ob Fidei Apostolicae Summam, non vero *Apostolorum*, quod Apostoli ipsiura condiderint, uti Bellarmino cum pluribus aliis est visum, de quo tamen rationes dubitandi nec paucæ, nec minoris momenti sunt, ut pridem à nostris Doctoribus est ostensum, maximi nihilominus semper in Ecclesia habitum, non tanti tamen, ut Synodi universales, quo utplurimum commendantur Elogio, non nisi Dannh. citum sibi putaverint, emergentibus Sathanæ studio & labore non unius generis heresis, eidem alias addere particulas, quod vix ac ne vix quidem fuisse autem, si Symboli hujus immediatam autoritatem Apostolicam, & hinc quoque Divinam agnoscunt. Unde, quid præterim de Elogiis, quæ Augustinus huic Symbolo adscribit in *Sermonibus de Tempore*, sic statuendum, non obscurè patet. Præterquam enim, quod eruditiores Critici ex parte etiam ad-

veraria dudum agnoverunt ingenuè, non idem de *Sermonibus* his judicium ferri debere, quia non omnes Augustinum agnoscant Patrem; Sermo in primis post centesimum & decimum quintus, qui cuivis Apostolorum in hujus Symboli partitione suam adscribit Symbolam, non bolum sive partem, uti *Dafyodius* hodie *Catholicus*, sine dubio ex *Altenstaigii Vocabulario* habet, causas præbet non unas, quæ Authorem ejus in dubium vocare jubent, ad minimum de additione suspectam facere possunt, quod præter alios in primis docuit *Vossius* in peculiari de tribus Symbolis Opere, quod, quia in plerorumque Eruditorum manibus est, citasse nunc potest esse sufficiens. De cætero, quod huic Symbolo adscribit *Perfectionem* Augustinus in hoc Sermone, mox à principio, de quali perfectione voluerit intelligi, non difficulter potest divinari, videlicet non de perfectione omnimodâ, quam Sacris adscribimus literis, sed conditionatâ & secundum quid, internâ potius & Sententiam latenter respiciente, quâm externâ Verborum tantummodo sonum exhibente. Ideo etiam in Sermone post hunc quarto, ad cuius testimonium Bellarminus quoque provocavit, statim sub initium, scripsit Augustinus, brevitatem hujus Symboli commendans, *quod paucis dictur verbis, unde multum adquiratur*, in prolixâ ejus è Sacris utriusque Testamenti Oraculis Explicatione id ipsum ad oculum demonstrans. Et in Sermone post centesimum & octogesimum primo, ex quo itidem Bellarminus contra Evangelicos mutuò summis arma, hæc verba notatu dignissima leguntur, quibus Symboli hujus tenor fidelibus commendatur: *Breve est verbis, sed magnum est Sacramentis*, quod ibidem adhuc prolixiori ostenditur Dæductione, quâ opus non fuisset, si sub hâc brevi Epitome omnia homini Christiano scitu & creditu necessaria comprehendi existimatæt Augustinus, vel quicunque sub Ejus nomine hos Ecclesiæ tradidit sermones. Quæ omnia & singula, si rite adstantur, uti errorem Bellarmini vel potius ignorantiam, quam Fidei adscribit, juvant minimè, talia nimirum, quæ Notitiam non qualemque & superficiariam, sed explicitam & cum vero Fidei Sensu conjunctam, ac Confessione non brutali, sed mentali expressam requirunt; Ita Sententia Evangelicorum non nocent, qua hic non respicit hominem in actu Confessionis publicæ, sed Justificationis coram DEO constitutum, in quo etiam ubi Fidem docent per fiducialem Meriti Christi applicationem objecti loco habere specialem DEI Misericordiam, minimè illud intellectum volunt cum exclusione aliorum Fidei articulorum, qui ad eam ratione cognitionis vel præmittuntur, vel etiam immediate sequuntur, prout Catena Fidei Apostolica ostendit, sed quia hæc potior pars est in hâc Fidei Catena, quæ, uti non semel haecenus dictum, in ipso Justificationis actu adtenditur, & porro etiam uberior ex Augustino demonstrabitur.

Inter id pergendum est, ut videatur, quâm Bellarminus nihil etiam efficerit testimonius ex Augustini *Enchiridio* ad Laurentium producatis, contra Sententiam Evangelicorum, quam hic quoque suscepit oppugnandam in vanum, more solito aberrans iterum à Scopo, ac confundens Fidem justificam, quâ justificam, cum ipsâ Fidei Confessione publica ac utriusque objecto, intuper etiam Augustino alienam adscribens Mentem, quasi, dum à Spe distinxit Fidem, per Spem intellexerit *Fiduciam*, cuius tamen rei indicium in ipsis Augustini verbis adparet nullum. Quamvis enim negari non possit, vocabula Spei & Fiduciae uti in Sacris Literis, ita & in Scriptis Patrum, atque sic etiam Augustini, Synonymicè non semel usurpari, quin & Fiduciam certo quodam modo distingui à Fide, quatenus nimirum vox Fidei pro Notitia vel Adlenia sumitur; alia tamen est considerandi ratio, quæ ad præsens Institutum pertinet, ubi Fides locum haber Instrumenti, quo visum est uti DEO in Justificatione hominis, tanquam manu mendica, Satisfactionem Christi instar Eleemosynæ à manu obferentis DEI accipiente & sibi adplicante. Hoc ubi iterum fuerit observatum, erit manifestum, in hâc testimoniorum Augustini collectione Bellarminum nihil egisse, sed Lectoris patientia strenue abusum: quod itidem ab Eo factum, ubi præter hæc duplex ex Opere contra *doctrinas Pelagianorum Epistolas* testimonium protulit, utrumque tamen impertinet,

vid. Höpf.
de Justif.
p. 158.

cum neutrum ex his agat de Fide in ipso Justificationis actu, sed post cum considerata, quatenus nimicrum Fides à DEO collata in ipsa Confessione publicâ se præsentem testatur, ut taceam, hæc Augustini testimonia alias etiam Romanensibus adversari, partim ubi agitur de Justitia operum, ut suo videbitur loco, partim in Controversia de operibus infidelium, quod supra ostensum.

Super adhuc sunt rationes, quibus utitur Bellarminus, ut Fidem specialis Misericordiae fiduciale ab actu Justificationis excludat, eandemque Evangelicis Augustini etiam auctoritate eripiat, ut ut hoc etiam frustra per DEI gratiam. Nam quod primam adinbet, ut de formâ nihil omnino dicam, dum utraque præmissorum falsis, incertis & imaginatis nititur hypothesibus, quin Conclusio inde deducita sit absurdâ, quis dubitabit; ut ut alias ex falsis præmissis formaliter consideratis, vel ad formam Logicam redactis, sequi posse verum materiale, artis disputandi peri^{vid Dant.} tis non adeò videtur absurdum? Certè, falsa est major Propositio Bellarmini, quam sibi ex Evangelicorum mente fingit indubiam, quod Fides justificans *precedere*^{havv. in Disp.} *debeat* Justificationem. Quis enim hoc dixit vel scripsit? Et si putavit, hoc esse p. 210. necessarium, ut, quem ad modum in quâvis actione hominum naturali pariter & artificiali organum, per quod aliquid debet effici, prærequisitur, ita etiam necessario prærequiratur Fides ad velante ipsam Justificationem, erravit plurimum, actiones Divinas ab humanis nesciens distingvere, illasque ad harum impertinenter modum examinans, quasi DEO esset impossibile, in ipso actu Justificationis homini justificando, per semetipsum ad recipiendam hanc Gratiam planè inidoneo, illud largiri gratiōsē organum, per quod visum est libertima voluntati Eius hominem in se non nisi peccatorem, per applicationem plenarię Satisfactionis Christi iustum facere & verè coram Throno Sanctitatis sive justificatum. Neque etiam Subsumtio vel minor Bellarmini Propositio in hâc ratione Evangelicis oppositâ caret falsitate, dum Lectori iterum quasi ex concessis voluit perservatum, Fidem specialis Misericordiae sequi Justificationem; quod, utratenus locum habere potest, quatenus homo coram DEO justificatus Fidei donum, per quod Christi Meritum fiducialiter apprehendit, tanquam rem posthac nulli futuram ulvi non leponit, sed ad alias in cursu Christianismi actiones & Exercitia divinitus præscripta, immo ad ipsam Salutem aeternam ex eâdem DEI gratia imperrandam custodit quam maximè necessariam; ita si intelligatur exclusive, prout Bellarminus videtur hoc adduxisse Sensu, falsissimum est ac nullatenus admittendum. Patet jam sufficierter, quid de Conclusione hujus argumenti Bellarmianâ sit statuendum, per quam conatus est contra Evangelicos evincere, *Fidem specialis Misericordie non esse Fidem justificam;* quod etiam non evicisset, si ex abundanti liberalitate utramque præmissarum haetenus Examini subjectarum largiremur, cum plura possint ex rebus etiam naturalibus adduci Exempla eorum, qua diverso respectu in unâ & eâdem actione rationem & antecedentis & consequentis habent, sine ullâ absurditatis ratione, quam sine verâ ratione sibi finxit Bellarminus ac aliis etiam proposuit. Cadit hinc, quocunque ad hujus sive argumentationis confirmationem ex Paulo & Augustino adduxit, dum illius & hujus testimonia nihil aliud contineant, quam quod ex Evangelicorum Sententia dictum est, utroq; hic Doctore consentientibus.

Altera Ratio itidem petit principium, idque pro fundamento ponit, quod adhuc est controversum, quando Fiduciam à bonâ penderit dicit *Conscientia, Perseverantia, dilectione DEI & operibus bonis,* quæ omnia sunt contra hypotheses Evangelicorum, de quibus certum est, quod Fiducia & Fidei justificantis non aliud agnoscant fundamentum, nisi solam DEI Misericordiam, quod *utissimum* esse, Bellarminus etiam in sequenti agnovit tractatione, ut ut fraude non pia usus vocabulo *Misericordia* ludens & abutens, quod ab aliis est ostensum. Nec aliud quid innuit Augustinus verbis ex Libro de Agone Christiano desumptis, quin potius vid. Höpf. Sententiam Evangelicorum egregie illustrat, *Fidem statuens primam*, videlicet *ner. de Ju. stis p. 807.* rem, ex parte hominis, *que DEO subjugat animam*, quod in ipsa sit Justificatione. Dum verò alterum esse dicit medium, *Precepta vivendi*, quibus nimicrum porrò subjugetur anima DEO, addens, *bis custoditis Spem nostram firmari*, quamvis secundum ea, quæ paulo ante meruerunt observari, hic quoq;

quoque necessum non sit admittere, ut per spem intelligamus Fiduciam, de qua agitur in praesenti, verum Spei vox possit hic locum habere in sensu proprio, & quatenus Fidei opponitur, dum illa respicit futura, haec autem amplectitur praesentia, volueritque adeo Augustinus dicere, hominem ex gratia Dei justificatum ad obligationis prescripta debitum Legibus Divinis, quantum in viribus est, obedientem, atque sic Fidei sua non mortua, non historica, sed vivae, & hinc etiam salvifica fructus instar Arboris bona ferentem & ostendentem, hoc quoque documento in Spe sua ad futurum directa confirmari, dum in te sentit Spiritus Sancti operationem non frustricam omnino, sed in Stadio Renovationis quotidiana cum aliquo profectu & virtutum cœlitus daturum & virtutum Christianarum conjunctam, quod insuper non parvum praebet laetitia spiritualis argumentum, & Charitatis Deo proximoque ex obligatione eadem debitæ augmentum & per gradus incrementum, quod Augustinus ibidem in proximè sequentibus porrò observavit, addens, quod eodem modo etiam nutritur *Charitas*, & incipiat lucere, quod ante tantummodo credeatur. Quid vero haec, quælo, contra Fiduciam, quam Evangelici Duce Scripturæ, nec dissentiente Augustino, primariam & potiorem dicunt Fidei justificantis partem? Quæ porro verba Bellarminus è sexto Augustini in Johannem Tractatu in suam rem, uti putavit, contra Evangelicos adduxit, quasi scripsisset, *Fiduciam procedere ex Charitate*, ibidem non leguntur, prout nimis à Bellarmino citantur, ut multa ibi sint de Virtute & Efficacia Charitatis; quamvis si ibi extarent, non necessariò de Fiducia, quatenus Fidei justificantis pars est præcipua, esset intelligentium, sed ad fiduciam in aliis Christianismi operibus facile posset referri, prout ipsa Textus Augustiniani series ex debito requireret.

CAPVT DUODECIMVM & seqq.

DE

Quæstione

An Fides sola justificet?

VT Evangelicos id affirmantes convincat erroris ex mente Synodi Tridentinae Bellarminus, Fidei in dispositione ad Justitiam sex alias Virtutes jungit, videlicet Timorem, Spem, Dilectionem, Pœnitentiam, Propositum suscipiendi Sacramenti, ut & novæ Virtus ac Observationis mandatorum DEI, quæ ex variis Scripturæ dictis & Patrum testimoniis deducendo, loco primi argumenti principali proponit, nobis iterum ex Instituto ad Augustinum respicientibus. Et quidem ut ostendat, primo, Fidem justificare quidem, sed non solum, verum utinam & radicem Justificationis primam, & sic eam agere in hoc negotio, quod suum est, ut ceteris etiam Virtutibus relinquit locum, sequentia quinque Augustini testimonia producit. Primum è Compendio in Epistolam ad Galatas: *Efficiuntur filii sapientie, preparante ac prestante id Fidei Mediatores*. Addit Bellarminus, Fides igitur præparatio est ad Justificandum, per quam efficiuntur filii DEI. Secundum ex libro de Prædestinatione Sanctorum: *Fides prima datur, ex quâ impetrantur cetera*. Tertium ex libro de Bono Perseverantie: *Quod initium verius homini Christiano, quam credere in Christum?* Quartum ex Libro de Spiritu & Litera: *Per legem cognitio peccati, per Fidem impetratio Gratiae, per Gratiam sanitas animæ &c.* Ubi post Legem, inquit Bellarminus, quæ extra nos est, primo inter alios, quæ in nobis sunt, Fidem constituit, secundò Orationem, tertio Gratiam &c. Quintum denique è Sermone post vigesimum secundo de Verbis Apostoli: *Domus DEI credendo fundatur, sperando erigitur, diligendo perficitur*. Vides, ita iterum Bellarminus, quomodo Fides solum inchoat & diffidit, & sine Spe & Charitate non perficit, secundò, ut ostendat, Timorem & quæ ac Fidem concurrent ad Justificationem, urget Dictum Regii Psalmis Parcimoniae, *Domini timorem vocantis initium Sapientie*, addens, per Sapientiam intelligi perfectam Justificationem, quæ totum componat hominem, Augustino id demonstrante prioris de Sermone Domini in Monte libri capite nono, per timorem vero, qui sit initium Sapientie, timorem intelligere servilem, qui sit in peccatore, omnes tamen Patres, & inter eos Augustinum, tum loco citato, tum Tractatu in Epistolam Johannis